

men, vnd haben deßhalben dem gnanten Benedictus beuolen, das er von ewern wegin das gelt also den egnanten hern betzallen vnd außtzelen soll, uff das ir furdertzerung, die ir von huß auß tun mustet, vortragen moget bliben, das wollet von ym also ym besten vorstehen vnd yn nicht vormercken, als ab er ewer beuell obirgriff, wenne er es vnsers beuels halben getan hat, kompt vns von uch zeugutem dancke. Gebin zcu Dresden am montage noch Vocem jocunditatis anno domini 2c. LXXIII<sup>o</sup>.

Dem rate zcu Lipczk vnsern liben getruwen.

Orig. im Rathsarchiv zu Leipzig.

### No. 1172. 1473. 3. Aug.

Anno domini 2c. LXX tertio am dornstag nach Petri ad vincula habin mein g. hern vorgunst, das er Heinrich Trugsesß ritter in den dorffern Lobschewitz Ochsensall<sup>a)</sup> achtunddrissighalben Rinisch gulden ierlicher zcinse vor achthalbhundert Rinische gulden vnd Cristoff vnd Heinrich von Maltitz gebruder zcu Finsterwalde in dem dorff Newenßdorff<sup>b)</sup> achtzehen halbin gulden auch ierlicher zcinß vor virdehalbhundert gulden dem bischoue zu Missen ader ap kein bischoue zcur zeit sein wurde dem capittel zcu Missen uff ein widerkouff hat mogen vorkouffen, doch in dryen iaren wider zculoßen. Actum Dreßden.

Copiale 59 fol. 542 im K. Haupt-Staatsarchiv zu Dresden.

a) Liebschütz, Par. Wellerswalde; Ochsensaal, Par. Schmannewitz bei Dahlen. b) Naundorf bei Finsterwalde.

### No. 1173. 1473. 27. Nov.

Anno domini 2c. LXX tertio am sonabind nach Katherinae habin mein g. hern vorgunst, das Hans von Maltitz zcu Steinbach in dem dorffe doselbist (*Steinbach, Par. Naunhof bei Radeburg?*) vnd zcur Bele in der pflege zcu Missen (*Böhla, Par. Lenz*) gelegen zewey ß IIII gr. zcinses dem capittel zcu Missen fur hundert fl. uff einen widerkouff hat mogen vorkouffen, doch in drien iaren widerzculoßen. Actum Dreßden 2c.

Copiale 59 fol. 548 im K. Haupt-Staatsarchiv zu Dresden.

### No. 1174. 1473. 21. Dec.

Anno domini 2c. LXX tertio feria tertia Thomae apostoli habin mein gnedige hern vorgunst, das er Caspar ritter lantuoit zcu Missen vnd Heinrich von Schonberg amptman zcu Schellinberg gebrudere den wirdigen thumprobst techant vnd gantzim capittel der thumkirchen zcu Missen funffundvirtzig Rinische gulden ierlicher zcinse uff iren stetchen Franckenberg vnd Heynichen vnd vff dem walde gnant das Heßlicht bey dem Heynichen<sup>1</sup> gelegen fur nunhundert Rinische gulden uff eynen widderkouff habin mogen vorkouffen, doch in dryen iarn widerzculoßen. Actum Dreßden 2c.

Copiale 59 fol. 546<sup>b</sup> im K. Haupt-Staatsarchiv zu Dresden.